

## Evening Dogri (NSD) Bulletin 23-04-2024

### आकाशवाणी

#### खबरां नाटयपाल कोला

1. विदेश मंत्री एस. जयशंकर होरें पैहले-पैहले आसियान भविक्ख मंच यानि आसियान फ्यूचर फोरम गी वर्चुअल ढंग्गै कन्नै संबोधित कीता।
2. प्रधानमंत्री नरेंद्र मोदी होरें आखेआ ऐ जे उच्च शिक्षा क्षेत्र च Quacquarelli Symonds दी ताजा दर्जेबंदी च भारत दा प्रदर्शन दिल बदाने आह्ला ऐ।
3. DGCA नै एयरलाइन्स गी आखेआ ऐ जे ओह 12 बरें दी उम्रै तोड़ी दे बच्चें गी उंदे माता-पिता यां अभिभावकें दे कन्नै सीट प्रदान करै।
4. केंद्र सरकार नै आधार बैंकिंग दे सरिस्ते च घट्टोघट्ट महीने च इक्क बारी पैहें दा लैन-देन करने गी लाजमी करी देने आहले दावे गी खारिज करी दिता ऐ।
5. गृह मंत्री अमित शाह होरें कांग्रेस दे लीणर पी. चिदंबरम हुंदे उस दावे दी सख्त नुक्ताचीनी कीती ऐ जेदे च उनें आखेआ ऐ जे I.N.D.I. गठबंधन सी.ए.ए गी खत्म करी देग।



## EAM-Asean Future Forum

विदेश मंत्री ँ. एस जयशंकर होंरें अज्ज आखेआ जे भारत गी विश्वास ऐ जे दक्खन पूर्व एशियाई देशें दा संगठन Asean, उभरदे हिंद प्रशांत खेत्तर च सकारात्मक भूमिका नभाई सकदा ऐ। वर्चुअल माध्यम राहें पैहले Asean फ्यूचर फोरम च बोलदे होई ँ. जयशंकर होंरें आखेआ जे भारत दे Indo Pacific Ocean's Initiative ते Asean हिंद प्रशांत उप्पर नजरिया मजबूत सहयोग आली बक्खी सारत करांदा ऐ जेदे च चुनौतियें कन्नै व्यापक सुरक्षा दे आधार उप्पर निबड़ना शामिल ऐ। उनें अग्गे आखेआ जे Asean भारत दी एकट इस्ट नीति दे केंद्र च ऐ ते भारत दे हिंद प्रशांत मिशन दा महत्व आला थम्म ऐ।



## Indias Education

प्रधानमंत्री नरेंद्र मोदी होंरें उच्च शिक्षा उप्पर क्वाकवेरेली साईंसमंल क्यूएस दी विश्व रैंकिंग च भारत दे प्रदर्शन गी उत्साह बधाने आला दस्सेआ ऐ। इक सोशल मीडिया पोस्ट उप्पर मोदी होंरें आखेआ जे भविक्ख च मय्यारी शिक्षा उप्पर ध्यान दित्ते जाने कन्नै भारत दी

युवा शक्ति गी फायदा होग। उनें अग्गे आखेआ जे सरकार बड्ठे स्तर  
उप्पर अनुसंधान, अध्ययन ते नवाचार उप्पर ध्यान देआ रदी ऐ।

<><><><><><>

## **DGCA**

सिविल हवाबाजी सरबन्धी महानिदेशालय नै एयरलाइन्स गी आखेआ ऐ  
जे ओह 12 बरें दी बरेसू तोड़ी दे बच्चें गी उंदे माता-पिता अभिभावकें  
दे कन्नै गै बौहने दी थाहर देन। पी.जी.सी.ए दे इक बयानै मुजब औंदे  
सामने एंसे केईं मामले पेश आए न जेदे च 12 बरें दी बरेसू तोड़ी दे  
बच्चें गी उंदे माता-पिता ते अभिभावकें दे कन्नै सीट नेईं दिती गेईं।  
इस करी इक्कै पी.एन.आर उप्पर सफर करने आहले बच्चें गी उंदे  
माता-पिता ते अभिभावकें कन्नै गै सीट दिती जा।

<><><><><><>

## **Adhar Banking System**

केंद्र सरकार नै आधार बैंकिंग सरिस्ते च महीने च घट्टोघट्ट इक्क  
बारी पैहे दा लैन-देन करने गी लाजमी बनाने दे दावें गी खारिज करी  
दिता ऐ। दावें गी फर्जी दस्सदे होई पत्र सूचना कार्यालय पी.आई.बी दी  
तथ्यें दा पता लाने सरबन्धी फैक्ट चेक इकाई नै इस गल्ला सवां इंकार

कीता ऐ जे भारतीय रिजर्व बैंक दे नमें अपॉट नै लोके लेई हर महीने आधार सरिस्ते राएं पैहें दा लैन-देन करना लाजमी करी दिता ऐ। एदे च आखेआ गेदा ऐ जे इयां करने च नाकाम रौहने पर गाहक दी आधार राएं लैन-देन आहली सहूलत लॉक नेई होगखपजियां के दावा कीता गेदा ऐ। पी.आई.बी नै साफ कीता ऐ जे सेवाएं गी सरगर्म रक्खने लेई हर महीने लाजमी आधार समर्थ लैन-देन सरिस्ते लेई खाताधारके गितै ऐसा कोई दिशानिर्देश जारी नेई कीता गेदा ऐ।

<><><><><><>

### Terror-Attack

राजौरी जिले दे शहादरा शरीफ इलाके च जंदी रातीं बेपंछानू आतंकवादिये आस्सेआ टेरीटोरियल आर्मी दे जुआन दे भ्रास दी लक्षित करिये हत्या करी दिती गई। जम्मू आकाशवाणी दे संवाददाता नै खबर दिती ऐ जे बंदूकधारिये, टेरीटोरियल आर्मी दे जुआन उप्पर ओहदे कण्ठा ग्रां च घर जाइयै गोलियां चलाइयां, जिंदी जद च ओहदा भ्रास आई गेआ जेड़ा गंभीर तौर उप्पर जख्मीं होई गेआ। अस्पताल पुज्जने उप्पर उसी मृत घोषित करी दिता गेआ। मारेआ गेदा शख्स समाज कल्याण विभाग च कम्म करदा हा। तोआई पुलस ते सेना दी सांझी टीम नै घेराबंदी करियै तलाशी अभियान शुरू करी दिते दा ऐ।



## Amit-Shah

भारतीय जनता पार्टी दे सीनियर लीडर ते केंद्री गृह मंत्री अमित शाह होरें कांग्रेस लीडर पी. चिदंबरम हुंदे उस बयाने दी सख्त नुक्ताचीनी कीती ऐ जेदे च उनें दावा कीता ऐ जेकर इंपी गठबधन सत्ता च औंदा ऐ ते सी.ए.ए गी खत्म करी देग। दिल्ली च इक समाचार एजेंसी कन्ने गल्लबात करदे होई श्री शाह होरें आखेआ जे कांग्रेस चुनांस जितने लेई तुष्टिकरण दी राजनीति करा रदी ऐ। अमित शाह होरें आखेआ जे आम जनता गी समयबद्ध ढंगे कन्ने न्या दोआने लेई लेआंदे जा रदे 3 आपराधिक कनूनें गी तैहशुदा तरीक उप्पर लागू कीता जाग।



## Lok Sabha

लोकसभा दे दुए गेढ़ दे चुनां लेई जोरें-शोरें कन्ने कीता जा रदा प्रचार प्रसार कल्ल संझा समाप्त होई जाग। बक्ख-बक्ख पार्टिएं दे बड़ो लीडर मतदाताएं गी अपनी बक्खी खिचने लेई केई रैलियां करा रदे न। इस गेढ़ तैहत 13 राज्यें ते केंद्री राज प्रबंध आहले इलाके च फैली दिएं 89 संसदीय सीटें पर 26 अप्रैल गी मतदान होग।



## India-Visa

यूरोपीय संघ नै भारत लेई वीजा दे नमें नियम जारी कीते न जेदे कन्नै भारतीय नागरिक केई बारी प्रवेश आहला Schengen Visa लम्मी अवधि दी वैद्यता कन्नै आवेदन करी सकदे न ते असानी कन्नै 29 यूरोपी मुल्खें च घुम्मी सकदे न। एहदे बारे भारत ते भूटान दे दौरे पर आए दे प्रतिनिधिमंल नै कल घोषणा कीती। प्रतिनिधिमंल नै आखेआ जे भारतीय नागरिकें गी हुन लम्मी अवधि ते केई बारी प्रवेश आहला Schengen Visa जारी कीता जाग जेदी वैद्यता 2 बरे तोड़ी होग। दऊं बरें दे वीजा मगरा 5एं बरें दी वैद्यता आहला वीजा जारी कीता जाग। यूरोपीय संघ दे भारत च Ambassador Herve Delphin होरें नमें नियमें दी सराहना करदे होई आखेआ जे यूरोपी संघ नै भारत कन्नै लोके-लोके बशकार संपर्क च इक गें होर पुट्टी ऐ। Schengen Visa धारक यूरोपीय संघ कन्नै जुड़े दे 25 ते 4 होरनें मुल्खें आजादी कन्नै घुम्मी सकदा ऐ।



## Digital-Signature

सरकार नै सब्बनें अधिकारियें ते दफ्तरी कम्में लेई ऍजिटल दस्तखत प्रमाण पत्र दी बरतून करना लाजमी करी दिता ऐ। सुधार ते लोक शकैत, अमले सरबंधी मंत्रालय ते पेंशन सरबंधी मंत्रालय ते पेंशन सरबंधी मंत्रालय नै ई-दफ्तर सरिस्ता लागू करने बारै जायजा मीटिंग दौरान इसी लाजमी करने दे निर्देश दिते। मंत्रालय नै ई-दफ्तर सरिस्ते च फाइलें गी भेजने कोला पैहले ई-फाइलें पर इलैक्ट्रनिक ढंग्गै कन्ने दस्तखत करने लेई सब्बनें अधिकारियें गी ऍजिटल दस्तखत प्रमाण पत्र DSCs जां आधार आधारित ई-दस्तखत सरिस्ते जां ई-हस्ताक्षर सरिस्ते दी बरतून करना लाजमी करी दिता ऐ।

<><><><><><>

Archary World Cup

चीन दी शंघाई थाहर अज्जै सवां तीरंदाजी विश्व कप 2024 शुरू होआ रदा ऐ। त्रऊं बारी ओलंपिक च हिस्सा लेई चुकी दी भारत दी दीपिका कुमारी तीरंदाजी विश्वकप च मुख्यै दी अगुवाई करोग। भारत नै इस म्हीने दी 23 सवां 28 तरीकै तोड़ी होने आहले विश्व कप दे पैहले गेड़ लेई 8 महिलां ते 8 पुरूष खऱारिएं दा दल चीन भेजेया ऐ।

<><><><><><>